



Seachtain na Scoileanna Caitliceacha 2018

Scoileanna Caitliceacha: Iarraidh ar Chomhluadar na dTeaghlach



Roghnaigh an Pápa Proinsias Baile Átha Cliath le bheith mar chathair óstála Chruinniú Domhanda na dTeaghlach 2018. Ón 21–26 Lúnasa 2018, beidh teaghlaigh agus daoine eile ó gach cearn na cruinne ag cruinniú lena chéile le ceiliúradh a dhéanamh ar an saol daonna, agus roinnfear an taithí shaoil agus na dúshláin a bhaineann le bheith ag maireachtáil agus ag fás i gcreideamh lena chéile. Tá deis iontach ag na scoileanna an slógadh seo a cheiliúradh, ag glacadh leis go mbíonn an fhreagracht phríomhúil ar na tuismitheoirí maidir le hoideachas a chur ar na leaná, agus go bhfuil ról ríthábhachtach ag na scoileanna Caitliceacha maidir le gach tacaíocht a chur ar fáil dóibh san obair sin.

I gcomhar le Cruinniú Domhanda na dTeaghlach 2018, chuir Coiste Stiúrtha Sheachtain na Scoileanna Caitliceacha clár caiticeasmach aon bhliana ar fáil do na bunscoileanna agus do na hiar-bhunscoileanna Caitliceacha. Is é téama an chláir seo ná **Scoileanna Caitliceacha: Iarraidh ar Chomhluadar na dTeaghlach**. Tugann an clár cuireadh do na scoileanna Caitliceacha machnamh a dhéanamh ar an ngaol a cheanglaíonn an teaghlach sa bhaile, an scoil agus an paróiste lena chéile, agus ceiliúradh a dhéanamh air trí pháirt a ghlacadh i gceithre thráth urnaitheacha.

Tráth a hAon: Teaghlaigh an Dóchais – Samhain 2017

Tráth a Dó: Teaghlaigh an Chreidimh – Eanáir 2018 (Seachtain na Scoileanna Caitliceacha 2018)

Tráth a Trí: Teaghlaigh an Ghrá – Carghas 2018

Tráth a Ceathair: Teaghlaigh an Lúcháir – Aibreán/Bealtaine 2018

Is é Seachtain na Scoileanna Caitliceacha 2018 (Tráth a Dó) an buaicphointe don chlár caiticeasmach sa bhunscoil agus san iar-bhunscoil. I rith Sheachtain na Scoileanna Caitliceacha 2018 tugtar cuireadh don uile phobal scoile páirt a ghlacadh trí mhachnamh a dhéanamh ar an téama **Scoileanna Caitliceacha: Teaghlaigh an Chreidimh**, agus é a cheiliúradh. Chuir Coiste Stiúrtha Sheachtain na Scoileanna Caitliceacha sraith acmhainní ar fáil a chabhróidh leis na scoileanna ó thaobh machnamh agus ceiliúradh a dhéanamh. Baineann téama áirithe leis na laethanta éagsúla:

An Luan: Ár dTeaghlach sa Bhaile (Plean Ceachta don tSraith Shóisearach)

An Mháirt: Ár dTeaghlach Scoile (Plean Ceachta don tSraith Shóisearach)

An Chéadaoin: An tOideachas Idirghlúine (Plean Ceachta don tSraith Shinsearach)

An Déardaoin: Ár dTeaghlach Paróisteach (Plean Ceachta don tSraith Shóisearach)

An Aoine: Ár dTeaghlach Domhanda (Plean Ceachta don tSraith Shinsearach)

Chomh maith leis na hacmhainní a luaitear thuas, tá an t-ábhar seo ar fáil chomh maith: [1] Machnamh don Fhoireann agus don Bhord Bainistíochta, [2] Machnamh in aghaidh an lae, [3] Liotúirge an Bhriathair (is féidir é a chur in oiriúint do Liotúirge na hEocairiste), agus [4] ábhar don Tionól Scoile. Nuair a ghlacann na teaghlaigh scoile páirt i Seachtain na Scoileanna Caitliceacha 2018, beifear ag súil leis go dtuigfidh pobal na scoile go maith, go siolraíonn torthaí an chreidimh ó dhúshraith na scoile agus an teaghlaigh. Caithfidh mar theaghlaigh an chreidimh, breathnú ar theaghlaigh na scoileanna Caitliceacha mar institiúidí áitiúla a mbaineann tionchar domhanda leo.

■ Beidh gach acmhainn ar fáil trí Ghaeilge agus trí Bhéarla

■ Cuirfear na hacmhainní scoile ar fáil de réir a chéile ag: www.catholicschools.ie

Is iad seo na daoine a chuir na hacmhainní le haghaidh Sheachtain na Scoileanna Caitliceacha 2018 le chéile: Karen O'Donovan, Breda O'Brien, Margaret Farrell, Paula McKeown agus Sharon Haughey, comhordú/forbairt le David Kennedy.



Machnamh in Aghaidh an Lae: Seachtain na Scoileanna Caitliceacha 2018

An Luan: Ár dTeaghlach sa Bhaile

Is é an teaghlach sa bhaile, scoil bhunúsach an chreidimh agus an ghrá. Is ann a bhímid ag foghlaim maidir le hÍosa. Cuireann ár dtuismitheoirí teanga agus siombailí na hurnaí os ár gcomhair ón gcliabhán ar aghaidh, agus múineann siad dúinn conas is ceart maireachtáil mar dhea-Chríostaithe. Cuireann an teaghlach an Soiscéal i bhfeidhm. Is cuid shuntasach de shaol na hEaglaise é an saol teaghlach. Baineann deacrachtaí leis an saol sa bhaile. Cuirtear dúshláin romhainn go laethúil, agus foghlaimimid conas déileáil i gceart leis na dúshláin sin. Bunaítear an cúram, an grá, an fhoighne, an trócaire a léirimid dá chéile sa bhaile, ar theagasc agus ar dhea-shampla Íosa. Is finnéithe sinn ar an Soiscéal. Cothaítear dea-nósanna i measc an teaghlach Chríostaí. Is ann a fhoghlaimimid an creideamh, an urnaí agus conas freastal a dhéanamh ar an duine eile.

An Mháirt: Ár dTeaghlach Scoile

Is iad na tuismitheoirí oideachasóirí príomhúla na bpáistí, agus tacaíonn an scoil Chaitliceach leis an obair seo. Bíonn pobal na scoile mar chuid den teaghlach níos leithne. Bunaítear an scoil Chaitliceach ar luachanna an tSoiscéil, bíonn an soiscéal beo le sonrú inti. Is i measc an teaghlach sa bhaile a chuirimid aithne ar an saol sóisialach, foghlaimimid conas roinnt lena chéile, conas éisteacht lena chéile, conas a bheith foighneach lena chéile agus conas meas a léiriú do chách.

Leantar leis an obair seo i measc an teaghlach scoile. Bíonn an trócaire, an maithiúnas, an grá, an aire don duine uireasach, an fhoighne, an chóir le sonrú in aghaidh an lae ar scoil. Is forleathnú ar an teaghlach baile é an teaghlach scoile.





An Chéadaoin: Oideachas Idirghlúine

Bíonn an-bhéim sa lá atá inniu ann ar an ábhar is nuáí. Is ar éigean a bhíonn an fón is déanaí ceannaithe againn go dtéann sé as feidhm, go seoltar an chéad leagan eile. Is ábhar buartha é don tsochaí áfach, mura mbíonn meas againn ar an nglúin aosta. Baineann ról nach beag leis an mbealach ina roinneann na seantuismitheoirí agus na gaolta aosta an Soiscéal linn. Treisíonn na seantuismitheoirí agus na gaolta aosta le ról na dtuismitheoirí mar oideachasóirí príomhúla. Is iadsan na daoine a thóg ár dtuismitheoirí féin ar bhealach lán de chreideamh, mhúineadar an urnaí dóibh, agus conas freastal ar an duine eile. Cuireann taithí na seantuismitheoirí go mór leis an tuiscint a bhíonn againn maidir leis an teaghlach Críostaí. Léirigh siad an grá, an cúram, an fhoighne, an trócaire, an chóir, an cineáltas agus bhí an taithí chéanna acu féin chomh maith. Baineann críonnacht shaibhir dhomhain leis an dream aosta, níl a leithéid le sonrú ar bhealach ar bith eile ar domhan. Mhaireadar de réir an tSoiscéil ar feadh i bhfad, thug siad freagairt mhaith ar an dúshlán a cuireadh rompu. Is féidir an t-uafás a fhoghlaim uathu!

An Déardaoin: Ár dTeaghlach Paróisteach

Tá sé ráite ag easpaig na hÉireann gurbh é pobal an pharóiste, fócas fhorleathnú an chreidimh ar gach aon bhealach (*Roinn an Soiscéal*, 130). Bainimid le teaghlach an pharóiste, chomh maith le teaghlach eile. Bíonn foirmiú an chreidimh i measc na ngnéithe is tábhachtaí a bhaineann le misean an pharóiste. Cuirtear fáilte romhainn isteach san Eaglais lá ár mbaisteadh, cothaítear sinn sna sacraimintí, san Eocairist ach go háirithe, agus tugtar aire dúinn ar an aistear scoir. Bíonn pobal an pharóiste ann le freastal orainn ag na tráthanna is tábhachtaí inár saol, ar na deasghnátha aistrithe saoil. Tugann siad tacaíocht leanúnach dúinn maidir le tuiscint a bheith againn ar an gcreideamh, spreagtar sinn leis an Soiscéal a chur i bhfeidhm, ag tráthanna achrannacha ach go háirithe. Cabhraíonn pobal an pharóiste linn na dea-nósanna a chothú trí aire a thabhairt don duine eile, don duine uireasach ach go háirithe.

An Aoine: Ár dTeaghlach Domhanda

Má bhreathnaímid ar phobal an domhain mar aonad, is deartháireacha agus deirfiúracha lena chéile muid. Tugann an smaoineamh seo ábhar machnaimh dúinn, spreagtar sinn le dul i ngníomh. Mhúin Íosa dúinn trína bhriathar, trína chuid gníomhartha. Caithimid freagairt oiriúnach a thabhairt d'imeachtaí domhanda, i mbriathar agus i ngníomh chomh maith. D'fhoghlaimíomar na dea-nósanna sa bhaile, conas an grá, an chóir, an fhoighne, an cineáltas, an trócaire, an cúram don duine eile a léiriú. Tacaíonn teaghlach na scoile agus an pharóiste leis na luachanna seo. Caithimid na dea-nósanna seo a léiriú do chách, mar aon teaghlach domhanda amháin. Iarrtar orainn dul i ngníomh. Conas mar a bheimid ag déileáil lena chéile más deartháireacha agus deirfiúracha lena chéile sinn?

Baineann dúshlán áirithe leis an dearcadh seo. Is deacair an rud é déileáil le daoine eile ar an mbealach seo mura léiríonn na daoine sinn dúinn go bhfuil an meas céanna acu orainne. Tá sólas agus neart ar fáil i bhfocail chéadlitir Naomh Pól chuig na Corantaigh nuair a deir sé faoin ngrá go mbíonn sé lán d'fhadfhulaingt. Is é grá Dé a chuireann ar ár gcumas déileáil leis an duine eile mar dheartháir nó mar dheirfiúr. Is é seo an Soiscéal. Nuair a bhimid ag déileáil leis an duine eile mar dheartháir nó mar dheirfiúr, bíonn an Soiscéal á roinnt againn.





Liotúirge do Sheachtain na Scoileanna Caitliceacha 2018

(Is féidir é a chur in oiriúint do Liotúirge an Bhriathair)

Spás urnaí simplí, le coinnte agus íomhá den Teaghlach Naofa.

Amhrán Iontrála: A Joy for All the Earth (Iomann Oifigiúil Chruinniú Domhanda na dTeaghlach, 2018)

Deasghnáth Aithrí:

Cinnire: A Thiarna Íosa, is tusa an Dia uilechumhachtach agus Rí na síochána. A Thiarna déan trócaire.

Cách: A Thiarna déan trócaire.

Cinnire: A Thiarna Íosa, is tusa Mac Dé agus mac Mhuire. A Chríost déan trócaire.

Cách: A Chríost déan trócaire.

Cinnire: A Thiarna Íosa, is tusa an Briathar i gcolainn dhaonna agus glóire an Athar. A Thiarna déan trócaire.

(Is féidir an freagra 'A Thiarna déan trócaire' a chanadh. Féach 'An tAifreann á Chanadh' – Aifreann Naomh Colm le Columba McCann)

An Chéad Léacht:

Sliocht as Leabhar Cóheilít (3:2–6; 12–14)

Salm: Is aoibhinn do chách lenarb eagal an Tiarna, agus a shiúlann ina shlite. (Salm 127:1–5)

An Dara Léacht:

Sliocht ó litir Naomh Pól chuig na Colosaigh (3:12–21)

Comhgháir an tSoiscéil:

Alleluia, Alleluia!

Go mbeidh síocháin Chríost i réim in bhur gcroí; go nglacfaidh sibh go fonnmar le teachtaireacht Chríost, Alleluia.

An Soiscéal:

Sliocht ón Soiscéal Naofa de réir Naomh Matha (2:13–15, 19–23)

Guí an Phobail:

(Foinse: *An Leabhar Aifrinn Rómhánach*)

1. Go mbeidh an teaghlach Críostaí mar eiseamláir do chách maidir leis an gcreideamh, an dóchas agus an grá, guímis chun an Tiarna.
A Thiarna éist linn.

2. Guímid ar son na ndaoine a oibríonn in oifig phoiblí, go dtacaí siad linne agus muid ag déileáil le cách mar dheartháireacha nó deirfiúracha, guímis chun an Tiarna.

A Thiarna éist linn.

3. Ar son na ndaoine nach bhfuil ar fónamh i gcorp, i spiorad nó in intinn, guímis chun an Tiarna.

A Thiarna éist linn.

4. Ar son na ndaoine a fuair bás, agus ar son na mball teaghlach nach bhfuil inár measc a thuilleadh (Sos). Guímis chun an Tiarna.

A Thiarna éist linn.

5. Guímid ar son ár dteaghlach. Deonaigh go leanfaimid dea-shampla an Teaghlach Naofa, ionas go sáróimid deacrachtaí an tsaoil seo, agus go roinnfimid an bheatha shíoraí sna flaitheis leo, guímis chun an Tiarna.

A Thiarna éist linn.

Is féidir deireadh a chur leis an tseirbhís anseo, agus amhrán oiriúnach a chanadh.

Moladh: Paidir Eocairisteach II

Amhráin (le haghaidh Cruinniú Domhanda na dTeaghlach ach go háirithe): *A Joy for All the Earth* – Iomann oifigiúil Chruinniú Domhanda na dTeaghlach 2018 (Ephrem Feeley)

1. *A Íosa Glan mo Chroíse*
2. *Regina Coeli* (Traidisiúnta)
3. *Is Maith an Bhean Muire Mhór*
4. *Na Páistí* (Máire Ní Bhraonáin)
5. *A Dhia Naofa* (Clement Mac Mánaís)
6. *A Mhuire Mháthair* (Pokarekare Ana)
7. *Ár nAthair* (Seán Ó Riada)
8. *Paidir na Tríonóide* (Liam Lawton)
9. *Tar Chugam a Spioraid Naoimh* (Greagórach)

Comhghártha: Bailiúchán 'An tAifreann á Chanadh'